


# Alkitab Sagan Kakanakan

## Mengenal akan

# Mujizat Yesus



Panulis: Edward Hughes

Nang manggambar: Byron Unger; Lazarus  
Alastair Paterson

Nang manyusun: E. Frischbutter; Sarah S.

Nang mangartikan: Lega Pitanatal Amiani;  
Nadya Cristine Armelia br. Tumorang

Nang mamproduksi: Bible for Children  
[www.M1914.org](http://www.M1914.org)

©2023 Bible for Children, Inc.

Ijin: Pian beisi hak sagan menciplak atawa mancetak kisah ni,  
sapanjang kada hagan di juali lagi.



Yesus maulah banyak mujizat. Mujizat ngintu tanda-tanda nang manunjukakan pada Yesus bujur Anak Allah. Mujizat pamulaan tarjadi rahat pista kawinan. Timbul parsualan. Minuman anggur kada mayu hagan sabarataan tamu.



Maria, umanya Yesus, bakisah parsualan nang tarjadi, imbah ngintu mayuruh palayan-palayan hagan maumpati napa nang Yesus parintahakan.



"Hibaki tajau lawan banyu!" ujar Yesus.  
"Banyu?" buhannya batakun. Inggih,  
banyu nang diminta ulih Yesus.




Yesus manyuruh palayan hagan maambil matan tajau nang ganal lalu mambari ka tuan nang batanggung jawab dalam pista hagan marasaninya. Banyu jadi anggur. Anggur nang nyaman. Anggur bagus banar.



Buhan palayan tacangang.  
Yesus mangubah banyu  
jadi anggur. Allah haja  
nang kawa maulah  
mujizat kaya ngintu.





Yesus maulah mujizat-mujizat lain. Rahat sanja, Inya lawan murid-murid-Nya manuju ka rumah Petrus. Uma mintuhanya Petrus راحت گaring lawan panas awak.





Inya manjapai tangan binian nang garing. Satumat wara inya langsung wagas. Inya bangun lawan malayani Yesus lawan murid-murid-Nya.




Kayanya sabarataan panduduk  
kuta bakumpul di muka rumah  
pas malam ngintu.  
Urang garing, buta,  
tuli, bisu, lawan  
lumpuh. Jua urang  
dalam kuasa iblis  
mandatangi Yesus.  
Kawakah Inya  
manulung urang  
kaitu banyak?



Yesus, Anak Allah kawa manulung. Lawan Yesus dasar manulung. Sabarataan urang nang datang ka Inya ditulung-Nya. Urang nang saumur hidup bajalan lawan tungkat kawa bajalan lawan bukah lawan baluncat.



Nang lain datang,  
dimana buhannya  
jadi buruk rupa ulih  
panyakit kusta.



Buhannya  
babulik kaya samula  
lawan jadi barasih  
kaya Yesus nang  
manyambuhkan  
buhannya.



Lakian lawan binian nang dikuasai iblis badiri  
di hadapan Yesus. Inya  
mamarintahakan  
iblis hagan  
maninggalakan  
urang-urang ngintu.  
Iblis mamatuhi  
Yesus lawan  
takutan, urang  
nang kada tanang  
jadi tanang  
lawan arai.



Dibalakang urang-urang, ampat urang lakian  
mancuba manulung kawannya hagan ka Yesus. Tapi  
buhannya kada kawa baparak. Napa nang kawa  
buhannya lakuakan?



Maangkat urang garing naik ka atas  
atap rumah, kaampat kawan nang satia  
mambuka atap rumah lawan  
manurunakan urang garing  
ngintu. Damini inya parak  
banar lawan  
Yesus.





Yesus melihat kaampat kawan ngintu baisi iman. Inya baucap ka urang garing ngintu, "Dusa ikam sudah diampuni. Angkat wadah tandu guringmu lawan bajalanlah!" Urang garing ngintu badiri, wagas lawan kuat. Yesus manyambuhakan urang garing.




Imbah ngintu, Yesus ada di dalam kalutuk lawan murid-murid-Nya. Badai ganal mangguyang laut. Yesus rahat guring. Murid-murid takutan lalu manggarak Yesus. "Tuhan salamatakan kita," tariak buhannya "Kita tinggalam!"



"Surutlah!" Yesus mamarintah ombak, pas ngintu jua laut jadi tanang. "Urang nang kayapakah Inya ngini?" Murid-murid-Nya saling babisik. Angina lawan laut manuruti parintah-Nya. Buhannya parcaya pada Yesus Anak Allah ulih mujizat-mujizat-Nya manunjukakan kamulian Tuhan. Murid-murid-Nya kada tahu lawan hal

ngini, tapi buhannya pacangan malihat Yesus manampaiakan mujizat nang labih ganal lagi rahat Inya malayani Allah Bapa-Nya di antara manusia.



# Mujizat Yesus


Sabuting kisah matan Firman Tuhan, Alkitab

Taulih dalam

Matius 8-9, Markus 1-2, Markus 4,  
Lukas 4, Lukas 8, Yohanes 2

"Amun tabuka, firman-firmanPian mambari  
pahaman." Mazmur 119:130





40

60



Kisah Alkitab ni memudah akan sagan kita kaya apa Allah kita nang Hebat tu, sudah mancipta akan kita ni lawan kita handak mambari pengartian mengenal Inya (Tuhan) labih dalam lagi.

Allah tu tahu, pa bila kita ni beulah hal nang kada baik, yang Inya (Tuhan) sambat sabagai dosa. Hukum dosa tu maut, tapi Allah ni sayang banar lawan kita. Inya (Bapa) mangirim akan anakNya, Yesus, sagan mati di kayu salib lawan di hukum oleh dosa-dosa kita. Imbah tu Yesus tu hidup lagi, habis tu tulak ka surga! Pa bila buhan pian percaya dengan Yesus, lawan minta inya ma'ampuni dosa-dosa buhan pian dengan ulun, Inya (Tuhan) menggawinya! Inya (Tuhan) handak datang lawan tinggal di dalam hidup buhan pian berataan, habis tu ulun & buhan pian akan hiduo beimbai Inya (Tuhan) salawasan.

Jaka buhan pian handak babulik dari dosa-dosa pian, pander ja kaya ini ke Tuhan: Allah nang hebat, ulun percaya kalo nya Yesus sudah mati sagan kita, lawan wayah ni hidup lagi. Tamui ja dalam hidup kita, lawan ampuni dosa-dosa ulun, biar ulun bisa beisi hidup nang hanyar wayah ni, lawan suatu saat kena tulak beimbaian dengan Tuhan selawasnya. Tolongi ulun sagan hidup gasan Tuhan sbagai anak Mu (Tuhan) amin.

Bacai Alkitab lawan bepanderan dengan Tuhan  
satiap hari! Yohanes 3:19

